

QVÆSTIO MEDICA

CARDINALITIUS DISPUTATIONIBVS

MANE DISCVTIENDA,

IN SCHOLIS MEDICORVM,

die Iovis, 18. Martij,

M. DIONYSIO IONCQVET,

DOCTORE MEDICO, ET HORTI REGII

BOTANICO PROFESSORE, PRÆSIDE.

An Aulicis mulieribus sanitas firmitior ab equestri venatione?

I.

NATVRALIS partium constitutio actiones primo & per se perficiens sanitas est, quæ tunc primum in aulicis mulieribus firmitior lucet, cum membra quælibet suas obeunt operationes inculpate, & congregitur cum ipso pulchro exexia, suboriens à rerum non naturalium vfu legitimo, potissimumq; ab exercitiis ex omni parte moderatis, cujusmodi sunt pilamalleus, ambulatio, parvæ pile lusus, equestris venatio mulierum aule; His enim corpus sese exonerat recrementis, regia sternitur via humtoribus qui distribuuntur pro nutritione, vasorum tubuli & cœci meatus solidarum apparantur ad excipiendos errantes spiritus qui ad vitam meant, aut ad motum & sensum animæ impetu rapiuntur. Simillima, sed inefficacius multò, exercitatio parva movet; senibus, pueris conveniens, vel à pregresso morbo recens relevatis; Curulis vestatio, gestatio in sella, navigatio, trochus, lecti pensiles, cunæ Valens enim vehemensq; exercitatio, quæ nervis & omni perficitur musculorum, annexamque habet cum agilitate velocitatē & robur; una virtus Athletarum; Lucta, castus, hoplomachia, pancratiū, fossio, laboriosa vita Rusticarum inducunt polysarchiam, lacertis addunt vires, & ad præmia incertaminibus promerenda homines reddunt corpore valentiores quam mente. Quæ vero glirium vitā vivunt Aulicæ; quas sola desidia fatigat, quæque tota in talis & aleæ, excrementorum proventu quem nolunt mediocri exercitatione repurgari, merito cruciantur; illæ inquam, & Regiæ Medicos consulunt frustra, pro imperanda aëris salubritate: cibi potusque ordinē, mensura & vfu definiendis: frustra somnus & vigiliæ acceptissima vicissitudine suas implent horas: In cassum & animi pathemata, ad rationis normam inflectuntur: nisi ea quæ servari mos est, aut excerni debent in iusta mo-

rentur statione, qualem ab exercitio mediocri ideo prudentis semper erit Medici expectare, quod eo nihil non robustum interaneis accedat, & firma corporis emergat constitutio. An bona valetudine potens animus corpori morbos dabit?

II.

EXERCITATIO partim animi, partim corporis peracta motu, quæ versatur in Piscibus, Avibus, aut Quadrupedibus, vi, dolo-ve capiundis, Venatio est. Prima ob hâmi tarditatem, aquarû tedium & injurias causaria, vilioribus fuit derelicta mancipiis: Accipitraria plus placet, nec Optimatibus indigna videretur, si sana magis, aut minus esset plena servitutis: Tertia demum omni cognita sæculo, nullis prohibita legibus & nobilior, Quadrupedes Canibus insectatur & armis; sive pedestris illa sit, sive fiat Veredo, vel Asturcone; hæc casta voluptas aule, ingenium acuit & sensus, capitis languores tollit, pectoris curat morbos, viscera reddit defecatio-
ra, & parit cum agilitate *ἐὐχρίαν* Aulicarum: quæ in crastinum venaturæ accersunt lorarij ministrum Canis, rogant, an ad *μυθαρζήματα* errantem, coegerit Cervum? an ex recrementis aut vestigiis annos distinxerit & sexû sparsisque hinc inde ramalibus facile sit ad feram rediturus? dein ad conventum & frugale sub herba prandium designant loca, atque ubi subsidiariis canibus & equis opportuniora selegerunt, prostrata sopore membra componunt lecto, in quo mens luderet sine pondere, nisi venationis impatientiam probaret impotentia dormiendi; unde quædam ante gallicinium surgunt, aliisque placuit accensis luminibus castigare Solis moram. Interim in futura oblectationis speciem omnia disponuntur, jam incondito murmure Servorum huc illuc ad officia properantium, Canum latratibus, & tubarum clagore personat tota domus; Iunguntur jumellis Canes; Venatrices ocreantur, quæ sub cyclade breviori feminalia subdunt, ut si fortè cadant equo, cura inaneat, casti decus servare pudoris, sagum induunt murice ardens, & bracteis inter punctum argenteis, attalica vestis fluentes sinus attollit auri fibula; lata fascia cingit lumbos, quos pendulum ex lora buccinum suppalpat blande; collecti tæniis in tutulum crines galerum excipiant Indiarum divitiis, Ardeæ & Strutio cameli insignem plumis: nec injuria superbum cordis tumorem placens ornatus leuat, proximæque venationis lætitia corpus saliens, nullo adjuvante conscendunt Equos, mascula sessione mentiantur sexum, clamore simul & lituo Cervum insequuntur fugientem, notant hallucinationem Canum, & cautè adventitii Hinnuli cū justo Cervo currentis eludunt frustrationem, dumque silvas Canibus quatunt, & utroque calcari Veredos vrgent, habent aliquid quod Hippolytus invideret.

III.

CERVORVM ex Equis venatio, res sanè regia, magnum est tyrocinium belli, ab ea quippe ut filij Heroum & Ephæbi animo fortes, alterno fraudis, virtutis & excubiarum motu bellicosiores fiunt, sic & Heroïne, nullo timoris pharmaco, sola sed periculorum assuetudine evadunt animosiores. Hinc cum ad fines suos properans Cervus, ore nigro est, in genua pro-

cumbit, aut salit viâ regiâ, lacrymis nil ultra vitam, quam non exorat, rogaturus, vel pudibunda forte perit, vel vltima moriendi necessitas timido incutit cadmicæ votum pugne; tuncque enervati corporis animosum quatiens caput obuios Canes eviscerat, circûstantium Equarum stragem facit, & Venantibus minatur exitium: adeo verum est: iracundum Apri dentem ad Chirurgum, & Cervi cornu ad tumulum vocare Venatricem, quæ presenti discrimine facta generosior aperto decerrat Marte, aut quam iugulat astute fallit desperatam feritatem; sic dolo, sic virtute belluam superat virgo! Et dolus an virtus quis in hoste requirat? Interim aliæ ad mortem feræ intrepido vultu convenientes, omnes si non Dianæ, saltem credi possent, si aut arcum tenerent manu, aut gremio Endymionem, nec mora amputato anteriore pede & dextro eius, quem vltro ad dilacerationem destinant; petita præda, sua victoria ovantes & famelicæ redeunt domum, præteritorumque tota venatione historia, longioris itineris fastidia consumunt. Et postquam Naturæ lapsus, intemperiei vitia, & errores in victus ratione commissos equestri venatione deleverunt, exhaustos diurno motu spiritus & dissipatum alimentum, cœna reficiunt lautiori, quæ eò magis sana fuerit, quò largior, ab ea enim profundiores obrepunt somni, concoctio sequitur felicitior, & stabilitur *inest*, minusque mirum si vnaquæque Venatrix sibi sit lacerata, & crimen putet Medico indigere.

IV.

VRBANÆ contrà & publicanæ molliores, ad perpetuam Medicorum opem suspirant, pro iis ægri tudinibus cicurandis quas movit vesana satietas torpentis vitæ: morbi causæ si deficient nimia felicitas invenit; nec mirum si ex optimi succi alimētis multumque nutrientibus, eam sibi maciem inducant quæ renodat ossa, & pitissando cibos delicatiores, quos cupediniæ ad linguæ delicias & palati saporem coxit, sibi sorbeant materiam morborum; ejusque palloris quem mortuos non dedeceret si ambularent: putares mera esse Danaïdum dolia: nisi Clinicarum & Medentis tam in explendo quam in vacuando par labor, aliquid esse suaderet ab humano non alienum, cum posito pudore corpus aperiant alternatim excrementis, medicaminibus, alimento. Aliæ quas ingeniosa gula saginavit & otium, multa pinguedine obrutum corpus ægre trahunt, interdum ægrius mentem; ambitiosæque eduliorum varietate & apparatu factæ præpingues Epicuri de grege porcæ, comestationum pulpamenta tuburcinando quæ crustularius instruxit, vna cum corpore increasant mentem, spretisque aliis motibus ingenuarum, solam quam norunt exercent *τὴν ἀτακτικὴν πάλιν*. Interea luduntur stultissimæ fallacibus consiliis Medicorum, qui cubanti luxuriæ patrocinantes, putitios delirantium affectus, malis artibus curant, aut pollicitatione fictitiæ frequentiori phlebotomia inanes sanguine venas crudis rotundant succis, & vacuum intempestiva purgatione ventrem, amygdalatis, hordeatis, ge'atinnâ, consumptis implent, auenaceo potu, aqua vitulina, & similibus, quæ auara medentium infidelitas ad invaletudinem, morbos prorogandos, excogitavit, & lucrum. Hæc quippe singula, appetentiam demoliuntur, coquen-

in ventriculo faceſſunt negotium, interturbant opus retentricis, fibras ſtomachi relaxando, illius infringunt robur, ciborum distributioni obiees nec-
tunt, interaneorum genus quodlibet impediunt obſtructionibus, far-
ciunt illuvie turpiſſima, & nociuorum humorum, quos victus intemperan-
tia toto corpore ſparſit, pepaſmum remorantur, an non mulieris otioſe men-
tem, cibi potuſve ſatietas obtundit? His enim tam animi quam corporis
offenſionibus ſuperandis ſat eſſent ſalutares plantarum, quas ignorant, ſuc-
ei, fructus; aut ſi ſaperent, ſolus panis vel inedia: quidni pro tot ſordibus
conſertim ſuſdęque & feliciter expurgandis Emericum?

V.

CVM homo comedens ſanus eſſe nequeat, niſi exerceatur multum, hoc
eſt diutius, ingensque ſit ſanitatis tutela, non ſatiari cibis, & impigrunt
eſſe ad laborem, ſit vt aulicę venatrices inter quietem & motum nullum
non dividant diem; cumque ad eas tantum exercitationes inclinet Natura,
quę unicuique conveniunt; Illę ab origine invalidiores & pro ſexus tem-
peramento humidiores & ſubfrigide, equeſtri obligant ſeſe venationi; vt
ſanitas firmior enaſcatur, & cauſa genuina blandi ſenſus, omnis quippe ina-
nitio naturalis inducit voluptatem; quam intenſiorem facit legitima exerci-
tiorum in venatione ſeries, in qua motus incipiunt a levioribus, & progre-
diuntur ad celeriores, paulatimque ad remiſſos deveniunt; Inde firman-
turyembra, excrementitiorum humorum inaniantur reliquię, à quibus antea
penę ſuffocatus, reviviſcit natiuus calor; maxime ſi pro modulo virum, in-
nata corporis temperie & probata conſuetudine imperentur. An non toto
venationis tempore amœna locorum varietas oculos paſcit? & ſuaſis ſtir-
pium odor olfactus delinit ſenſum? Ipſa aëris libere perſati ſalubritas cor-
pus adjuvat univerſum, & ſpiritus per ſe lucidi ejuſdem ſerenitate recrean-
tur; mulcentur aures tubę ſonitu; eo ſimul & vociferatione expurgantur
reſpirationis instrumenta; viſcera equitatione concuſſa, ſervatis ſemper
Naturę periodis, motu & evacuationis modo, ad ſecceſſum diſponunt, quę
cumque veſica, in teſtibus, & vtero nidulantur, aut amant excerni. Quid plu-
ra? dum venationi ſtudent Aulicę, Ruſticarum laborem, & Urbanarum
inertiam, effugiunt omni cura, tempeſtiva exercitatione, carnes & ſuccos
minuunt exuberantes, ſomnos ſibi conciliant profundos, collectim cibo-
rum concoctionem juvant, accelerant eorundem anadoſim, ſuperfluitates
abſumendo humidum ſimul cum calore vividum reddunt, bonum corporis
habitu ſervant, morantur ſenectutem, & fecundiores ſiunt; ad bellica ſe
exercent, periculis ſibi parant audaciam, divitiis in vigilantiis accumulandis, &
vitę morumque integritate, ſenſus atque animi vigorem metiuntur.

Aulicis ergo mulieribus ſanitas firmior ab equeſtri venatione.

Proponebat Lutetię PAVLVS MATTOT, Pariſinus.

A. R. S. H. M. D. C. L. X. V. I.